


整屋縣志卷八




|          |            |
|----------|------------|
| 陝西省圖書館藏書 |            |
| 書號       | D631 / 9*5 |
| 卷號       | 12592. 4   |

教四屋縣志

卷

十九



蓋屋縣志卷之八

知縣楊儀重修

人物

名臣

宋

趙瞻字大觀其先亳州永城人父剛太子賓客徙蓋屋瞻


舉進士第除萬泉夏縣令英宗時以侍御史上疏力爭宦官王昭

明等不當為陝西諸路鈐轄上納其言及議濮安懿王稱親瞻爭曰

仁宗既下明詔子陛下議者顧惑禮律所生所養之名要祠嘗難

彼明知禮無兩父貳斬之義敢裂一字之詞以亂厥真臣請與之延辯

以定邪正



元

鞏遵先世朔州人祖孝章仕金為監軍長子固為金駙馬都尉領  
軍民元帥居冀寧次安實即遵父也冲澹不樂仕進遊於秦愛終南山  
水因家焉遵性豪俠幼讀書於王臺峯下以材智科仕元至御史中丞  
好施濟遠近感德崇祀鄉賢

明

王傳字良弼父璽襄陽知府傳成化乙酉舉於鄉乙未成進士授禮部  
精膳司主事充冊封藩藩副使贈遺十金卻不文護大虜使出境遺  
金贈亦如之遷主客郎中河南旱飢流離屬道勅傳齎白金三百兩  
往賑閔命即日就道全活萬餘人歸奏方略及陳政十條悉見采納  
王元凱字堯鄉號終南宏治辛酉舉於鄉與弟元正同登正德辛未

進士授兵科給事中因主事王崇慶以諫忤繫獄  
王元正字舜卿號玉壘生四歲始言十五善屬文從兄  
元凱淹通今古正德丁卯與弟元亨舉於鄉時  
劉瑾竊政羅致閩中名士正因避南山不應公車  
及瑾誅與兄元凱登辛未進凱授兵科給事中正  
授翰林院檢討侍經

才能

明

王三聘字夢莘別號西曲祖宰父王並懿節著鄉  
里聘生十齡失怙母辛氏苦節聘為學

趙可行字子達其先自洪洞遷蓋屋行少孤受學

於祖學易淹通書史究心時務兵法水利農桑也  
儒林

漢

摯恂字李直伯陵十二世孫博學善屬文常  
隱於南山之陰馬融如恂受業恂愛其才因以女妻  
之永和中公鄉薦恂行侔

唐

江融通曉兵法為左史撰九州設險圖

明

李純號恒州博覽羣書究心性命之學選臨潁府谷學

博雨地稱師範馬事繼母極孝撫幼弟友于備至子延芳萬  
歷辛卯舉人歷官知府曾孫瑁崇禎癸酉舉人瑄拔貢  
貴浦知縣

楊楠字志田父起潛別見孝友傳楠萬歷甲午拔貢歷任  
龍安府同知學以發明心性為宗毅然以橫渠涇野自況居喪  
不用浮屠法守霍時力請故學正曹月川先生從祀在  
豫救荒在晉調理宗藩在蜀保守危城俱有政績解組  
歸與長安馮少墟渭上史蓮勺岐陽張心虞諸君子講學  
南山所著有克己藥言行世

本朝

李顯字中孚父可從明崇禎十四年從總督汪喬年出

關征闖賊敗於襄城陷陣死顯時年十五母子煢煢日不  
再食既長力學尤篤信濂洛關閩諸書性純孝事母色養  
及歿哀毀幾絕葬祭如禮服闋訪父遺骸於襄城不獲為位  
痛哭招魂而歸康熙十二年總督鄂修復關中書院邀顯主  
席人稱二曲先生督撫薦剡交上先後奉

旨特徵以疾辭康熙四十二年冬

翠華西幸

召見時顯已衰老遣子慎言詣行在陳情復進呈所著二

曲集反身錄

賜御書操志高潔以獎之年七十有九卒題請崇祀鄉賢

楊渾字康直自幼好學經史子集無不窺覽為名諸

錄徐王趙

徐汝為字宣伯先世多隱者自槐里始家雙溪父臬舉世廟甲子鄉書令中江安肅俱有惠政汝為博通經史善古文辭萬厯庚子舉於鄉鄱陵梁壺嶺先生待以國士以邑乘屬之上下數百年間人物高下莫不就毫端吹氣以生活妍媸淑慝宛然神動然皆核以實欲曲諛朽骨以媚悅生人不為也其嚴氣正性如此

王養民號梅窗以所居霏香精舍植梅數十本故取以自號焉少篤學博極羣籍尤工天文補邑庠弟子員四方學者執經問難多所發明崇禎末以明經入太學不仕生平介節自持館節使署有持千金干以私者嚴却之所著有書經璞記測注倣言諸書

人

趙國棟字仲隆工故文詞片言落紙人爭寶之熹廟改元  
選貢旋丁外艱見時事日非歎曰吾豈為五斗米折腰哉  
遂歸授生徒日以吟咏自娛迄今讀散云許稷契無意逐  
蕭曹又瓦盆盛濁酒聊作醉中醒之句想見胸次也

本朝

趙雲鳳字羽玉可行孫也早年馳聲蠶序研精子史旁攻  
詞賦年四十一卒所著有續四維論覆瓿集一齋草古今  
元音見山樓書譜藏於家

楊以誠字思永邑增廣生事父以孝聞讀書不隨俗奔競  
嘗手集四書簡鈔儒先之精粹而附以己意發明精切前  
令楊繹聞於上臺取閱嘉獎

王命監字子屏為文莊重典雅遠近皆宗之尤究心性  
理之學康熙甲午科以額溢中副車淡於仕進以著述  
自娛邑令楊繹重其文行舉鄉飲大賓

郝伸字舒州自號終南山人幼多疾誦讀每不能卒業  
然學日進文夏夏獨造弱冠補諸生試輒冠軍學校者  
高安朱文端公尤所擊賞雍正元年選貢成均明年二  
月補試正科復舉於鄉時年已四十餘矣督學嘉其遇  
為作鹿鳴春宴詩以寵其行性耽靜展卷授徒之外無  
他營也年六十卒於家孫適乾隆庚辰進士官南部知  
縣以廉稱遇

覃恩贈伸文林郎

孝友

明

趙彬終南里人性至孝母病嘗糞而甘知疾危悲泣不勝居喪盡禮力田有餘衆輒以贍人嘗拾金一袋乃維揚人張德所遺者追而還之榆林諸邊舊輸本色轉運維艱彬力陳當事允改折年九十三年賜老人爵人呼為

趙壽官云曾孫忻登進士官應天巡撫

王冕集賢里人廬父母墓六年知縣喬寔給衣冠舉

鄉飲

楊起潛隆慶庚午舉人性至孝赴都門會試聞母訃徒跣奔喪蔬食三年哀毀骨立尋卒生平獎掖後學孳孳不倦以壁經授門人姜文聘及子楠楠官龍安同知別

見儒林傳

任進庫封股奉母母病愈

吳士達童時父病甚令娶婦既親迎而父歿達寢處苦塊及葬仍別為一齋獨居三年足不至新婦室釋服然後行合巹禮

趙從舜邑諸生性真朴親歿廬墓三年待諸弟戚里皆能善體親意

辛守仁東關里人父疾篤百藥不效仁焚香祝天割脇煎湯以奉父遂愈壽至九十餘方割之夜夢青衣神為之吹氣和藥刀傷七日大痊知縣王之相申上臺給冠帶榮身

袁正父往川十年不歸正徒步覓父誓不見不返山行  
勞憊暫憩秦嶺下忽遇一老僧頭大如斗戴椽笠從茂  
林出語正曰汝孝子也可往西南行某時可見父遂間  
關以赴閱數月至中江果與父遇抱頭痛哭哀動行路  
中江令暨紳士相慰勞觀者如市人咸以為孝感云

武謨邑庠生崇禎七年五月賊虜其父承文遣人索贖  
謨兄弟三人爭欲往謨曰汝兩人尚無子若有不測是絕  
父一枝也我有子卽他變亦所甘心其妻牽衣悲泣謨  
徑去不顧賊得賂釋父復欲謨降謨不從遂遇害知縣  
田時暢題請建坊立嗣於縣大門之左

趙藻豆村里人崇禎七年五月八日賊至藻哭於母柩

側不肯去遂被殺

本朝

張厥淇水里人順治四年六月三十日山寇金龍夜破  
厥堡殺兄厥掠兄子靈娃而去厥念兄止一子不得返  
因負已子補娃往換以歸意再圖取贖家貧緩期值寇  
移營以補娃年幼不能從行遂殺之後厥復得子人謂  
天不負厥云

楊德時年十二喪父哀毀逾成人既葬日至墓側哀號  
不輟奉母賈氏曲盡孝養母失明旦夕禱神以舌舐目  
期年母目復明既而母病復禱神疾遽瘳享年九十有  
三學使以至孝感神旌其門

嚴永善母死廬墓三年每以不及廬父墓為恨時人憐之

羅大興三歲喪母八歲父令就外傳讀詩至哀哀父母生我劬勞句即涕泗縱橫及父枉枉繫獄與匍匐求代備受拷掠大吏義而並釋之

李立崇本兄弟少奉孀母母寢疾各求以身代兄弟年邁八子友愛如童稚子孫雍睦近世罕匹

張宗闕號金湖由武舉充駐京提塘少有至性父腿患惡瘡宗闕以口吮膿血盡出乃生肌母病殆割股肉烹以進立愈春母欲西瓜宗闕為孟宗之哭適有遠人來饋聞者異之宗闕雖武人性喜書及古法帖慕鄉先生

李二曲之為人絕意仕進事父母終身孺慕不衰乾隆  
十三年舉鄉飲大賓及卒學使者題其碑曰孝子張宗  
闕之墓

馬可法里黃里人母病唯鯽可療時嚴冬法鑿冰竟得  
鯽數尾以奉母食父嘗往渭灘牧牛法以父阻飢累餓  
疾赴隻身徒步適水大漲中流如人翼行觀者驚異父  
久患腿疾聞溫泉洗濯可愈相距數百里貧不能具乘  
法見小車一輛輦父往浴竟大愈胞弟毓騏少法十二  
歲早晚赴塾讀法常負而送之族弟姪待其婚嫁立門  
戶者不可勝算親友貸不能償者輒焚其券乾隆三十  
五年大饑出粟賑恤全活甚衆乾隆五十二年旌

李九疇少時質魯不善讀以父母垂老屬望於是發憤力學幾忘寢食久之補博士弟子父母疾晨夜籲天以身代其後俱登大耋人以為孝感所致

李綸理黃里人生三歲而孤祖母善病綸為人力作得值以養旨甘恒過中人家母患疫綸晝耒耜夜歸侍醫藥數旬母瘳緇以傳染成病昏迷中猶惓惓以母為念伯父廷貞年老家貧連喪二子綸迎歸養葬克盡猶子誼

韋睿少失父兢兢奉母人有以暴戾加者輒閉門忍讓以安母心母歿水漿不入口者數日哀毀骨立

焦志秦父母早亡祖母節孝徐善病奉侍湯藥未嘗刻

離徐以病軀而長年者秦調攝之力也及祖母卒廬墓  
悲號遂絕意人世事不圖進取推溫經史教子以天年  
終著有率性集一卷  
毛人龍邑庠生父某以賈入川會時驚風雀流寓巴西  
十七歲無耗人龍甫弱冠跋涉萬里得所在迎歸奉養  
以壽終於家

尚廷臣事親以孝鄉人有終身孺慕之譽

紀乃積鄉耆維世子家貧嘗為親買薪米於數十里外  
母寢疾經年績親滌穢器躬調湯藥父疾亦如之及父  
母歿家日饒終身如有憾歲免佃通租若干以資冥福

明列女

辛氏贈南京大理評事王玉妻玉被誣齋志歿氏年二十有五茹苦甘貧奉老撫孤孀居四十載以子三聘膏封孺人嘉靖二十年旌典下同邑檢討王元正為之傳

田氏舉人張附羽妻

魏氏吳鈞雷妻夫死時氏年二十二歲家貧甚織履以自給遺子增光擇師教之登嘉靖辛酉鄉試為廉吏何司空表其門曰柏舟媲美

王氏名蘭鄉本娼家女也嫁為青州府推官張附翹妻附翹病卒氏服毒以殉

許氏生員趙瑚妻

趙氏王九功妻無子

楊氏楊克憲妻

陳氏

楊氏趙雲妻

趙氏王九經妻無子

何氏生員吳養蒙妻無子

以上八人並張附羽妻田氏俱嘉靖年間知縣何起鳴

任內舉報者其事實俱不傳至陳氏則並失其夫之姓

名矣君子善善從長故寧存而弗削焉

鄒志

王氏成九叙妻

舊志缺

吉氏馬崑孝廉武烈子崇義妻也崇義病厄數月氏夜

不解帶目不交睫崇義亡氏絕粒數日不死解腰經自

縊經又絕於是密市鴆懷之一日釋哀括理姿容以見

伯姊伯姊訝詢之氏從容對曰未亡人自此得從夫地

下也時已飲醜矣餓而毒發遂絕

劉氏太康令張學詩妾也學詩陰瘵無子氏祇事不懈  
柔婉順從侍主母尤謹主母亦深憐之常為易他婢以  
息其勞學詩病死氏哀毀不飲食哭絕而甦者累旬家  
人防之密不得死久之防者稍懈氏遂潛啟柩帷縊死  
徐氏揚州人蓬州守趙爾守妾也姿美而性嚴正爾守  
專房寵之爾守死氏取金珠遍賜奴婢曰異日無想忘  
也竟飲醜卒

王氏平街里人張實妻年二十二實死無子隣婦勸其  
易志氏曰守貞婦道也我不可以二天遂嚙指自誓以  
終身

徐氏焦培元妻孝廉徐汝為女年十七夫亡氏水漿不  
入口翁洎父共為立後始進食教嗣子成立為諸生  
王氏忠烈里民何大錢妻也年十七歸大錢三年而大  
錢死葬有期矣氏諭傭者治幽室令可容二木氏多財  
而有姿覲覲者俟大錢首邱胥逼之矣於是傭者竊笑  
曰旦暮且作新婦何用是為反柩發之日送葬者方及  
門而氏已自經柩側凡棺殮之具無不備竟以二木同  
穴焉

任氏生員孟芳隣妻參議惟一女年二十夫死事姑杜  
氏有禮後子復死撫七歲幼孫紹祖成立食飢苦節四  
十年知縣梁騰牘上臺旌其門

焦氏任侍御長子庠生調元妾也天啟三年元疾草氏  
先期自經於密室所生弱息呱呱在旁曾不顧念其慄  
慨節烈一時傾動士紳

白氏生員馬翰如妻年十九適馬生家貧恆以女紅佐  
讀夫病亟顧氏白願子無忘吾天及爾夫氏曰諾夫死  
氏盡翦其髮晝績以養翁姑夜抱幼女宿夫柩前有微  
言勸民更志者曰窮巷婦旌榮者幾人民曰吾自不欲  
負死者耳何用旌為越數月間夫兄有成謀乃毅然曰  
伯命婦嫁矣然婦之夫則伯弟婦之女伯猶子也婦既  
矣葬死有生實伯之事願無忘去婦言遂攜其女慟哭  
拜柩前家人間之以為昔忘何堅今詞何決成相與

議而竊笑焉而氏竟於是夜自經於夫柩側時天啟七年六月也遠近環集觀氏屍藉草枕瓦繩重重繫頸自衣裙至襪履皆針線密縫無寸隙見者咸驚詫泣下稱為封骸節婦知縣張鯤化請於上即其居為祠夫婦合葬於祠後

牟氏竇村民孟學孔妻夫死遺孕甫七月後生子之梁辛勤鞠養至於成立曾孫遶膝而卒

劉氏新街里民魏嚴妻嚴歿翁年九十餘卧床箸飲食轉側皆氏扶持之孝聲嘖嘖鄉里靡間

王氏監生趙矚妻年十七歸矚越數年矚死氏撫其前室之子二曰名鼎曰樹善值寇亂播遷鼎復病歿家道

益哀氏督樹善力學得補弟子員三十餘年青裙縞帶  
如一日氏涇陽孝廉王元輔妹矚乃太僕於達子可謂  
不愧其家聲矣

任氏貢生李拱辰僕李信妻頗有姿居小里村為主守  
別墅崇禎七年五月初八日信聞賊至欲逃去氏曰不可  
近聞賊過之處賊未掠而鄉人乘間先攫之爾我皆逃倘  
有毀傷將何以報主命乃匿舍旁叢竹中賊至搜獲之令  
從行氏抱女仆地不肯起賊舉鉄鎗擊去創甚氏推女與  
信目之使急去乃厲聲罵曰賊奴我欠汝一刀耳何用  
擊我賊怒殺之

霍氏女名小初前給諫文華之孫也年十九尚未字也

崇禎七年十一月二十三日賊自郟縣忽薄啞柏女兄  
弟皆踉蹌不及顧遂陷於賊賊捽之馬上女大罵滾鞍  
再四賊怒殺之屍橫交衢顏色不改諸生楊渾記其事  
劉氏貢生楊寔儒妻舅歿姑老楊任狄道博士以途遙  
不克迎養氏謹事不懈後姑患瘋疾氏侍奉湯藥四年  
如一日姑歿哀毀幾至滅性時楊轉安塞諭訃音未能  
即達棺衾殯祭拮据成禮體盡力盡至以疾殞可稱純  
孝矣

丁香生員王瓚婢也貌醜多力崇禎七年十二月間寇  
至荷担從瓚而逃賊將近丁香勸瓚棄書劍而遁瓚堅  
不從以銀三兩付丁香使速去意謂我男子固無慮賊

耳已而賊擒瓚即取擔中書燒殺之丁香行未遠覘知瓚死遂獨身負屍而歸以前銀置棺殯瓚

穆氏生員翟道妻崇禎八年二月賊至往避河灘中賊追及逼令上馬氏罵曰我士人妻速殺吾賊忿殺之何氏生員任塘妻幼育於伯父昌邑令鳴高聰慧夙成女紅而外旁涉書史昌邑嘗手列女傳問之曰女史所載不一矣文辯者或鮮冰霜之節堅貞者或乏翰墨之長兒奚取氏對曰貞一不二者女子性命也無性命豈復有形骸乎即文辯奚益焉昌邑歎曰有女如此弟夫婦不死矣年十七適塘以賢孝稱崇禎八年七月歸寧於曲達屯忽聞流寇渡渭而南倉皇出避與賊遇賊見

其佳麗逼之上馬時氏有乳媪抱三歲幼子同行恐違  
賊意子必見殺乃佯從馬上遙語媪曰汝自抱兒去我  
不須汝賊喜得氏遂縱媪不追氏度媪行已遠遂倒投  
下馬竄入河河水淺不及膝賊復將涉水取之氏曰吾  
今畏死從汝矣幸授我刀我藉刀柄挂泥中即可出賊  
信其言擲刀與之氏得刀隨舉自刎奈腕弱不能絕血  
流被體宛轉波濤間賊憤極趣前摔氏髮出而捶楚之  
氏坐地上握刀瞑目大罵賊遂奪刀洞胸折脇而去知  
縣楊王依以事聞建坊立祠於西門內春秋致祭仍優  
恤其家

侯氏安樂里民趙烈妻夫亡三子尚幼族人利其有將

逼之嫁恐其以幼子為戀一日竟溺其長子於河氏聞之  
奔救得免因悲咽曰若輩不憫念未亡人而欲禍及遺孤  
我為趙家婦即無子寧肯再適耶誓以守死撫孤勤苦長  
自強次自免敦行力田並舉鄉賓季自浴暨孫三人皆列  
黌序知縣何迥秀表其閭

楊氏舉人李瑁妻闖逆入闕迫授士大夫以偽職瑁携家  
匿山中賊至夫婦同憤罵之遂並遇害

燕氏女臨川里人武進士燕鯤化女年十四嫻習書史至  
崇禎末寇至村人皆逃女曰均死耳與其暴屍道路何如  
自殞閨中未幾賊入其家搜獲之牽拽上馬女滾鞍投  
地罵不絕口賊舉刀恐之女奪刀自刎賊怒殺之及收

殮面如生色

張氏生員盧思誠妻夫亡翁姑已耄遺孤開象僅一歲氏力勤婦職生養死葬竭誠盡禮口授子訓讀後其子登丙戌賢書

李氏啞柏人年十七適楊某生子丕廣丕棟夫亡氏屏去釵環足不踰戶者三十年後二子連喪又撫幼孫備歷辛苦終始如一

### 本朝

任氏生員何器妻夫亡撫孤興瑞為名諸生媳陳氏以孝聞孫年登賢書崇禎八年八月流寇突至任被傷陳罵賊斷臂死知縣楊王休為請旌任至國初年一百

三歲知縣樊巖以節壽上聞再予

建坊

曹氏生員孫文先妻順治元年四月大兵入闕追勦闖  
逆氏被繫計無可托因給之曰我有金帛藏智井中幸  
取以從兵喜與俱至井龐氏探身窺井即倒投而下兵  
恨無金又兼失婦遂連下巨石擊之而去及文華尋救  
幸存微息氏張目視夫曰我死為我亦為君今欲留我  
必欲使我終作他人婦乎倘後騎踵至而身辱名敗不  
玷君甚耶言畢遂綰髻整襟抱三歲女復投井中及文  
先再呼救則已頸折腦裂而死未及兵復匝地比鄰婦  
女多遭荼毒始嘆烈婦之卓見英慘為不可及也

孫氏歡樂里民趙進善妾進善家貧寢貌結茅於閭家

舍之廢砦中順治初三賊入其砦見氏姿掠之行氏罵不絕口鄰人有在賊中者咸勸氏謂且脫飢寒氏益怒罵遂遇害

劉氏生員吳宗聖妻鄆邑選貢劉几成女也順治三年遇山賊於澇河濱張弓露刃氏懼不免拔簪自刺不死遂投河賊入水挾出氏大罵曰我頭可斷身不可辱賊怒拔利鏃貫其膈而死

陳氏陽化里民陳一瑞女適生員張魁斗子爾立順治七年歸寧值山賊夜破其堡拽氏出氏曰吾已籠中物矣安能飛去爾姑徐徐吾自隨行耳至城東有水池一泓氏乘間躍入賊不勝憤援戈劇其喉而死邑人惠思

誠弔詩有每映波光寒月夜一團清氣透星躔之句  
彭氏生員劉振風之妻貢生劉選之母也順治七年十  
一月二十七日五鼓寇襲破堡氏即起覓死地而幼子  
呱呱牽衣號泣氏慮賊猝至乃拔頭上釵誘兒弄之脫  
身疾趨投井而死

金氏生員任景舜妻順治十二年山寇破堡氏與子俱  
被執中途囑其子曰爾為男子能贖歸固善否則隨之  
徐圖脫去我當與爾永訣矣遂指賊厲聲罵曰我士人  
妻死即死耳豈從汝賊奴耶賊怒亂刀砍殺之

江氏生員高捷妻平居色笑不苟年十九夫亡誓以身  
殉姑以大義責之氏忍死以盡孝養教其子嗣昌食餼

於庠曾孫輩列弟子員事聞 建坊

楊氏生員袁珽妻幼讀列女傳孝經諸書多所通解姑病夜拜北斗願減己算以益姑壽珽亡氏甫二十四歲力敦勤儉訓迪二子皆補博士弟子員

侯氏西關里人性剛正年二十適袁某甫十日而夫死氏脫簪珥葬其夫事翁姑喪葬盡禮食貧守節以終身趙氏張元妻亡三子俱幼氏斷髮矢志孝事翁姑生養死奠不缺於禮撫遺孤明善繼善俱補弟子員

趙氏北斜堡農民張靈妻年二十夫入山砍樵翁從遇率僕張有福田間鋤花命福歸家取飲見氏獨居即佯醉撲氏氏大怒呼曰我何人奴輩乃敢欺我耶遂舉厨

刀自刎鄰婦王氏聞呼疾往見血流滿地氏已氣絕有  
福亦驚懼而自刎傷而未殊時康熙四年三月八日也  
知縣駱鐘麟廉得實斬有福於市

盧氏儒童楊聖言妻順治十年聖言病歿時氏年二十  
三生子未及週氏殯夫於堂安貧守志二十餘年及卒  
雙棺同發遠近皆為感歎

劉氏六渠里民郭潤妻年二十夫沒舅姑俱衰一子在  
抱氏辛勤事育無少怠有親族勸嫁者氏毅然曰吾不  
早從夫於地下者徒以有舅姑在也今舅姑沒而勸言  
猶入以吾為貪生人也遂自刎邑令旌以額

王氏六渠里民傳名嘉妻年十九而寡飲冰茹苦與姑

相依以終身

馬氏南集里民張仁妻年二十一而寡剪髮毀容卒完清操

王氏生員焦樞妻樞遊學卒氏年二十八無子與姑伍氏庶姑李氏三寡相守僮僕各散去值歲款鬻衣物以供甘旨族黨重之為立嗣

任氏生員李明瑞妻年二十二而寡子永泰未期齡氏備歷艱苦織紵以佐膏火卒致成立

喬氏王卿之妻王宦家中落氏歸未久夫歿氏年甫二十仰事俯育備嘗艱苦姑寢疾判股和羹以進歿祀節

烈祠

藍屋縣志卷之九

知縣楊儀重修

風俗

冠禮 久未舉行惟明孝廉劉來鳳考朱子家禮一行  
之後督學曾訪求遺典來鳳具陳儀注擇未冠數人行  
於鱣堂今又廢以上志本鄒志

婚禮 士大夫之家隆重婚姻納幣親迎遵行古禮至  
世俗之輩好尚侈靡又有較量財帛以致男女失時更  
有同姓不檢結為婚姻者蔑禮瀆倫莫此為甚官斯上  
者宜為禁止焉

喪禮 士大夫之家喪事俱做家禮而行喪必三年而

後易葬有廬墓者其小民之家乃有盛作佛事或盈優  
酣飲者甚有惑於陰陽家言數年不葬者有心世道之  
君子亟宜訓戒如禮

祭禮一民家多未有家廟惟一二家世族有之享祭獻  
荐與家禮所載尚不甚殊但元旦日奠獻各於中堂懸  
掛肖像十月一日焚紙錢寒衣冬至日不設主位各於  
門外焚紙通邑皆然雖知禮之家亦莫能易

士習多尚古好義質樸不事文飾輕易不謁官府即官  
成之後亦節儉如鄉人

農務東鄉有水田西南多旱地稻粟菽麥以為食桑麻布  
帛以為衣積其所餘以供正賦以資用度故三時胼胝終歲勤勞

盩厔縣志卷之十

知縣楊儀重修

紀兵

漢

通鑑居攝二年三輔豪傑霍洪等起兵討莽據芒竹

劉盆子傳赤眉引兵而西過祠南郊車甲兵馬最為猛

盛眾號百萬自終南山轉掠城邑

事見光武帝建始二年

後漢書馮異傳建武三年赤眉雖降眾寇猶盛蓋延據

盩厔

此蓋延與巨卿同時同姓名

稱將軍異屯軍上林苑中稍誅擊

豪傑不從令者褒賞降附有功者悉遣其渠師詣京師

散其眾歸本業關中悉平

三國

魏志夏侯淵傳建安二十二年以淵行護軍將軍督朱靈路招等屯長安擊破終南山賊劉雄降其眾

魏青龍二年諸葛武侯出斜谷田於蘭坑司馬懿屯渭

南大學衍義補云司竹有故壘今在司竹南

舊志

蜀志王平傳延熙七年春魏大將軍曹爽率步卒十餘

萬向漢川前鋒已在駱谷時漢中守兵不滿三百平遣

劉護軍杜叅軍據形勢平為後拒

魏志曹爽傳是時關中諸氏羗轉輸不能供牛馬騾驢

多死民夷號泣道路入駱谷行數百里敵因山為固兵

不得進叅軍楊偉為爽陳形勢宜急還不然將敗爽乃

引兵還 按裴松之謂費禕外却駱谷之師內保甯輯之實即此事也

蜀志姜維傳延熙二十年魏征東大將軍諸葛誕反於淮南分關中兵東下維欲乘虛向秦川復率數萬人出駱口徑至沈嶺時長城積穀甚多而守兵乃少聞維方到衆皆惶懼魏大將軍司馬望拒之鄧艾亦自隴右皆軍於長城維前往芒水倚山為營望艾傍渭堅圍維數下挑戰望艾不應

魏志鐘會傳景元四年詔使會統十餘萬衆從駱谷入先命牙門將許儀在前治道會在後行而橋穿馬足陷於是斬儀儀者許褚之子有功王室猶不原貸諸將聞

之莫不震悚

蜀志姜維傳景曜六年維表後主聞鐘會治兵關中欲圖進取宜遣諸軍分護安陽關口陰平橋頭以防未然黃皓謂敵終不自致啟後主寢其事及鐘會將向駱谷然後乃遣左車騎張翼等詣安陽關口以為諸圍外助

晉

前趙載記劉曜既據長安與買疋麴允諸軍戰於黃印曜眾大敗退保甘渠

即甘水事見晉懷帝永嘉五年

愍帝本紀建興元年五月詔琅邪王略云梁州刺史張光亦遣巴漢之卒屯在駱谷秦川驍勇其會如林

濟南惠王遂傳司馬勳以梁州刺史守武當石季龍死

中國亂雍州諸豪帥馳告勲率衆出駱谷壁於懸鈎去  
長安二百里於是關中皆殺季龍太守令長以應勲勲  
兵少未能自固復還梁州

通鑑綱目穆帝永和五年九月勲出駱谷破趙戍壁於  
懸鈎趙主遵遣王朗帥精騎二萬以拒勲為名因劫石  
苞送鄴勲兵少不敢進

按綱目集覽云懸鈎城名今以道里計之當在蓋屋  
西郿縣東遺址久廢不可考矣

前秦載記京兆杜洪竊據長安苻健進軍次赤水遣苻  
雄略地渭北諸城盡陷三輔略定健引兵至長安杜洪  
奔司竹健入而都之

十六國春秋永和五年胡陽赤趨司竹泉至萬人遣使  
詣征西桓溫中軍殷浩請救

王海孝武帝太元十三年後秦姚萇拜處水郝奴為六

谷駱谷其一也大都督使備終南之險

方輿紀要安帝義熙六年桓元餘黨桓石綏等因廬循  
入寇起兵駱谷口襲據西城

### 南北朝

通鑑綱目宋文帝元嘉二十年魏河間公齊與武都王  
楊保宗對鎮駱谷保宗弟文德說保宗據險叛魏齊誘  
保宗殺之其屬符達任朏遂舉兵反立文德為王據白

按綱目質實白巖山名在洋縣北六十里則是蓋屋  
駱谷之南境也

魏書太武帝紀太平真君六年盧水蓋吳聚眾反於杏  
城民皆渡渭奔終南山七年二月丙申幸蓋屋誅叛民  
耿青孫溫二壘與蓋吳通謀者六月甲辰發定異相三  
州兵二萬人屯南山諸谷以防越逸

陸真傳高宗和平中咸陽趙昌受劉或署龍驤將軍扇  
動鄠盩屋二縣聚眾數百人據亦谷以叛真與雍州  
刺史劉邈討平之昌單騎走免

崔延伯傳孝明帝孝昌元年春正月莫折天生勢甚眾

盛進屯黑水明一統志黑水出于午谷經盩屋東詔延

北流入渭質實以為在城固縣非也

伯為使持節征西將軍西道都督討之延伯率精兵數千下渡黑水列陣西進向賊壘揚威脇之徐而還退賊以延伯衆少開營競追衆過十倍臨水逼蹙延伯不與戰身自殿後抽衆東渡轉運如神須臾濟盡徐乃自渡賊徒奪氣相率還營後日延伯勒衆而出天生悉衆來戰延伯身先士卒陷其前鋒於是勇銳競進大破之

隋

唐書高祖本紀高祖從父弟神通起兵於鄠柴紹婦高祖女也亦起兵於司竹與世民會蓋屋賊何潘仁向善思等皆來降

淮安靖王傳淮安王神通大業末亡命入南山舉兵應

太原約司竹賊帥何潘仁連和自署關中道行軍總管  
從平京師

舊唐書柴紹傳平陽公主高祖第三女也義兵將起紹  
間行赴太原公主乃歸鄠縣莊所遂散家資招山中亡  
命得數百人何潘仁聚眾於司竹園公主遣家僮馬三  
寶說以利害三寶又說郡盜李仲文等各帥眾數千人  
來會時京師留守頻遣軍來討公主率三寶潘仁屢挫  
其鋒掠地至盩厔武功始平皆下之得兵七萬人及高  
祖兵渡河紹遣將數百騎趨迎公主時公主將精兵萬  
餘與太宗軍會於渭北與紹各置幕府俱圍京城營中  
號曰娘子軍

唐

韋雲起傳武德元年雲起上言京師初平人未堅附百姓流離仍歲無年蓋屋司竹盜賊羣屯一旦有變禍且不細

冊府元龜趙欽為驃騎武德初賊帥呂寶生眾七千人破蓋屋縣欽擊之斬首百餘級

高祖本紀武德二年三月乙卯左屯衛將軍何潘仁及山賊張子惠戰於司竹死之庚申驍騎將軍趙欽王娒羅及山賊戰於蓋屋死之

冊府元龜武德二年四月司竹賊盜祝山海有眾一千自稱護鄉公太子建成率兵進擊山海平之

顯慶中咸陽民趙昌受劉或據盤屋赤谷長安鎮將劉  
真平之

按新舊唐書高宗本紀顯慶中並無此事姑存之以  
俟考

冊府元龜至德初肅宗望房綰成功詔加持節招討西  
京兼防禦蒲潼兩關兵馬元帥王思禮副之南軍入於  
宜壽中軍入於武功北軍入於奉天

肅宗本紀至德二載閏八月辛未京畿採訪使崔光遠  
及安慶緒戰於駱谷敗之

党項列傳上元二年党項入寇掠鳳翔盤屋

肅宗本紀十月辛未吐蕃犯京畿寇盤屋等縣自司竹

園渡渭循南山而東

冊府元龜寶應元年勅駱谷子午等往來行客所將隨身器仗等今日已後皆須過所上具所將器仗色目然後放過如不具數者一切於守堤處勒留

代宗本紀廣德元年十月癸酉渭北行營兵馬使呂日將及吐蕃戰於藍屋敗之乙亥又戰藍屋敗績

冊府元龜廣德二年羣盜徧南山五谷間詔李抱玉討之抱玉盡得賊根株遂分兵守諸谷遣精騎襲擊不閱旬五谷平

按五谷者胡三省通鑑注子午斜谷藍田衡嶺及駱谷是也

代宗本紀永泰元年九月渾刺奴寇藍屋京師戒嚴

崔寧傳永泰元年劍南大擾代宗詔宰相杜鴻漸為西

川節度使往平其亂鴻漸出駱谷

通鑑大歷五年二月戊戌李抱玉移鎮蓋屋軍士忿忿  
大掠鳳翔坊市數日乃定

宦者傳帝與元載計除魚朝恩載乃使李抱玉節使山  
南西道又析鄠蓋屋等縣以與抱玉朝恩不知為虞

白孔六帖建中四年德宗幸奉天郭曙方領家兵獵苑  
北聞蹕至伏謁道左遂留扈從興元初上幸梁州曙遂  
從駕入駱谷

綱鑑德宗入駱谷衛士多亡李叔明之子昇及郭曙令  
狐建等恐有奸人危乘輿相與齧臂為盟以死捍衛遂  
至梁州

藩鎮傳興元初帝徙山南李惟簡以三十騎從夜失道  
馳至盩厔西聞中人語問天子所在密語曰上在此帝  
見之流涕明渾瑊以騎來遂決趨興元

嚴震傳震為山南西道節度等使時李懷光反帝欲駐  
驛山南震聞馳表奉迎遣大將張用誠以兵五千捍衛  
用誠至盩厔有反計帝憂之會震牙將馬勛繼至帝告  
以故勛請歸取節度符名之既還得符與壯士五人偕  
出駱谷遂縛用誠送於震杖殺之帝發奉天既入駱谷  
懷光以騎追襲賴山南兵以免

通鑑喬琳從駕至盩厔稱病為僧李懷光遣其將孟保  
孫福達等將精騎趨南山邀車駕至盩厔相謂曰彼使

我為不臣我亦追不及報之不過不使我將耳帥衆而東縱之剽掠由是百官從行者皆得入駱谷以追不及還報懷光皆默之

渾瑊傳乘輿進狩山南瑊以諸軍衛入駱谷口懷光追騎至後軍擊却之

喬琳傳琳從帝幸奉天再遷太子少師進幸梁州次盤屋詭言馬殆不進帝素以舊老禮之給乘輿馬辭病益力帝賜所執策曰勉為良圖與卿別矣不數日祝髯髮

舍仙遊佛廬朱泚聞之遣數十騎迎取之署之部尚書

自德宗入駱谷以下事見興元年

讀史方輿紀要元和元年高崇文討劉闢於西川分遣

李元奕出駱谷

綱鑑會編黃巢入關上趨駱谷鳳翔節度使鄭畋謁於  
道次

宦者傳田令孜奉帝西幸步出金光門以羽林白馬載

帝晝夜馳舍駱谷

自黃巢入關以下事見僖宗廣明元年十二月

王鐸傳中和二年鐸帥衛兵洎梁蜀師三萬壁蓋屋移  
檄天下共討黃巢

黃巢傳五月朱玫以涇岐麟夏兵八萬營興平巢亦遣

王璠營黑水玫與戰不勝七月賊攻鳳翔敗節度李昌

言於潦水月王鐸濬壕於興平左抵馬嵬使將薛韜

董之由馬嵬武功入斜谷以通蓋屋列屯十四使將梁

璩主之

孔緯傳帝避朱玫次陳倉惟黃門衛士數百扈乘輿詔拜緯御史大夫令趣百官赴行在時羣臣露次藍屋為盜剽脅衣囊殆盡

昭宗本紀景福二年九月乙亥單王嗣率扈駕五十四軍屯於興平李茂貞屯於藍屋以兵逆戰王師大潰韓全誨傳天復元年十一月壬子全誨等火官城欲劫百官徙天子李德昭等按兵衛之乃得免茂貞以帝告藍屋時公卿皆在長安數日不聞朝廷敕畫乃使王浦見朱全忠曰上猶在藍屋公宜速進茂貞知全忠將至以帝入鳳翔全忠進圍之既而徙營渭北據高原與茂

貞戰不勝全忠夜入盩厔  
通鑑十二月全忠遣朱友甯攻盩厔不下全忠自往督  
戰盩厔降屠之

宋

高宗本紀建炎四年春三月金人拔終南縣經略使鄭  
恩戰死

紹興十年秋七月庚戌金人犯永興軍盩厔縣王俊逆  
戰於東駱谷却之

金

胥鼎傳興定元年上問胥鼎大散關棄取狀鼎奏散關  
至驀關諸隘其地遠甚如欲分屯非萬人不可而又恆

州金升蓋屋所直數關宋兵皆固守如舊緩急有事鳳

翔恒隴亦無應援恐兩失之

蒲察合住傳合住出為恒州刺史需次近縣後大兵入  
陝西關中震動或言合住赴恒州為北走計朝命羈其  
親屬

楊沃衍傳部將劉興哥者哀宗時與元兵戰於清化死  
之詳人志

元

英宗本紀至治元年七月辛巳蓋屋僧圓明作亂樞密  
院判官章台督兵捕之十月辛丑伏誅

順帝本紀二十三年六月己亥李思齊攻圍興平遂據

蓋屋

二十八年正月李思齊部將忽林赤脫脫張意據蓋屋

明

紀事本末徐達率兵至鹿臺元陝行省平章哈麻圖棄  
奉元走蓋屋為民兵所殺左丞拜泰古逃入終南山

嘉靖中乾州人樊伸作亂竄入終南山尋討平之舊志

資政錄萬歷甲辰猖獗倡亂蓋屋之白龍溝鄆縣之龐  
家村聲勢相應窟穴其中鄆令捕沙倉等十一人置於

法而探囊穿窬之輩久之乃戢

紀事本末崇正七年正月總督洪承疇率總兵曹文詔  
等先後勦諸賊斬獲甚衆李自成張獻忠走蓋屋

鹿樵紀聞叛兵楊國棟擁二千騎披雙鎧直抵西安城  
下乞撫巡撫練國事在鄠縣聞之馳還度賊不授撫必  
西走蓋屋密檄沿途官兵馳備更設伏於蓋屋之夾水  
溝時禾茂泥淖騎不任馳伏發殲其半賊斬國棟以獻  
餘仍逃入終南山

崇正甲戌六月初七日賊混世王八大王張胖子隨山  
虎自鄭安出從鄠縣至馬名村村民以鄉勇拒之殺掠  
甚慘七月二十二日鑽天鷄及叛軍楊林從子午谷南  
集賢至縣都司樊世中蕭漢鼎與戰破之賊南走南鄉  
一帶焚掠一空

延西玩寇錄八月陳奇瑜行部至鳳縣見賊勢益盛北

至慶陽西至邠州西南至盩厔殆數十萬

麓樵紀聞朝命豫楚晉蜀兵四道入陝高迎祥李自成竄入終南山

十月賊從清化鎮至

十一月賊從郿縣至臨城發三矢而去從油房頭一路

東走祖菴

自十月至十一月賊自西來西鄉一帶劫掠一空

十二月十五日復從西來十六日駐馬召村又入曹村村婦有乳子於懷者即殺於懷中男子有負母而逃者即擊死背上東西一帶又一空

十二月二十三日賊由中路或西來或東至駐元馬店

祖庵鎮辰陵司等處殺貢生王承儒中路又一空以上俱舊志

明紀會纂八年夏四月商維之寇為官軍所逐欲走郿縣為張全昌所敗遁入終南山

鹿樵紀聞冬十月洪承疇敗賊於武功賊首闖王迎郎高

自蓋屋武功分道渡河

明史九年七月孫傳庭敗賊於蓋屋擒闖王高迎祥及劉哲等獻俘闕下磔於市賊推自成為闖王舊志乙亥

當作丙子七月十五日賊闖王姓高自芒谷出屯仙遊寺十

六日孫中丞至十七日洪司馬亦至戰於山下叅將李遇春被創兵稍却二十一日復戰於馬召原上先一日

洪司馬設白旗招降設紅旗以戰時雨後大霧賊黨乾  
公鷄張二一斗穀黃龍已降賀人龍送首不知下馬張  
張以射其馬與衆已南行計無復之脫甲冑潛於草間  
邑人張驢子者中丞鄉導也素悍多力遂擒以獻  
綏寇紀略當是時賊亂關中有名字者以十數高迎祥  
最強拓養坤黨最衆所謂闖王蝎子塊者也傳庭設方  
略親擊迎祥於蓋屋之黑水峪禽之及其偽領哨黃龍  
總管劉哲獻京師磔之

本朝

順治二年十二月二十三日賀貞自西來邑令崔鹿鳴  
遁去城守陽居士死之

三年正月十一日胡結子出芒谷劫團標谷殺前孝廉  
李瑁搶掠無遺李張二將逐之尋就擒

七年正月十三日王虎山夜劫臨川芋堡燒燬一空尋  
招降

九年至十七年賊首王才周禹劉四王友權必強王根  
害祈免贊揚剛白守愛李沙鶴李屠等先後盤路南山  
一帶劫掠村堡焚燒廬舍防將張世美程福亮勦撫並  
施根株俱盡民始獲安 章志蓋邑之兵禍舊矣未聞  
焚燬如明末之甚也從前四野雖空而城中房屋尚遺  
六七至崇禎十四年孫中丞誅賀人龍以其兵分駐蓋  
厓邑人驚惶四出紳士亦多徙鄉堡癸未之變駐兵西

行官署民居焚燬過半邑自此蕭條甚矣

康熙十三年十月遊擊程福亮聞蜀變自西鄉縣退兵  
三河口蓋屋鄠兩縣運糧給之明年八月漢中失守福  
亮遂退駐黑水谷

十一月遊擊梁 屯兵黑水谷索糧草夫役官民苦之  
繼此又有彭宣王守鳳陳奇謨鄭起成吳時泰傳舉吳  
烜夏印李重華等往來六年騷擾丁壯饋運於外老弱  
供給於內民不能堪投旗入伍者不可勝計

十五年六月初二日偽將軍杜學總兵李梅等引賊家  
三千人出西駱谷屯娘娘山初四日偽總兵王進孝副  
將李成棟等出黑水谷屯仙遊寺俱大掠七月初十日

梁鼎遇賊於姚村敗還

八月初二日總兵王好文來整屋撫賊賊亦以糧盡遁去

十月副將傅舉遊擊王守鳳都司王承第千總吳時泰等進兵黑水谷至煎茶坪遇賊不利而還

十八年五月漢中總兵費雅達統馬步兵三千屯整屋軍令嚴肅民賴以安至十一月進兵恢復漢中民爭備囊糗糒送之後聞征滇黔戰死相與釀貲建祠以報德鄒志云自梁鼎以下皆往來鎮守更調不常之兵惟遊擊周龍自康熙十六年領兵五百名駐防茲地至十九年正月始調赴瀘州仍留守備白文管理汛務駐札東

營此則整邑專汎之兵也

